



Broj: 01-67/14
Vareš, 27.02. 2014. godine

Na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br. 36/99, 54/04, 39/06 i 14/09), Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl. Novine ZE-DO kantona“ broj: 13/07 i 13/11) i člana 22. Statuta Općine Vareš - Prečišćeni tekst, broj: 01-162/12 od 11. 09. 2012. godine Općinsko vijeće Vareš, na 16. sjednici održanoj 27.02.2014. godine, d o n o s i

ODLUKU
o usvajanju Strategije razvoja i unapređenja
socijalne zaštite općine Vareš
za period 2014. – 2017. godine

Član 1.

Usvaja se Strategija razvoja i unapređenja socijalne zaštite općine Vareš za period 2014. – 2017. godine, koja čini sastavni dio ove Odluke.

Član 2.

Za provođenje ove Odluke zadužuje se Općinski načelnik, Služba za društvene djelatnosti i boračko – invalidsku zaštitu i JU „Centar za socijalni rad“ Vareš. Općinski načelnik će jedanput godišnje u prvom kvartalu, podnositi Izvještaj Općinskom vijeću o provođenju Strategije.

Član 3.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Zdravko Marošević

Odluka objavljena na oglasnoj tabli općine Vareš, dana 28.02. 2014 godine.

OPĆINSKI NAČELNIK

Kovačević Avdija dipl. pravnik

O b r a z l o ž e n j e

1. Pravni osnov

Pravni osnov za donošenje Strategije razvoja i unapređenja socijalne zaštite općine Vareš za period 2014.-2017. godine utemeljen je u Zakonu o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br. 36/99, 54/04, 39/06 i 14/09) kao i kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom („Sl. Novine ZE-DO kantona“ broj: 13/07 i 13/11) , i u članu 22. Statuta Općine Vareš - Prečišćeni tekst, broj: 01-162/12 od 11. 09. 2012. godine

2. Razlog za donošenje

Navedenim Zakonima o osnovama socijalne zaštite deklarativno se priznaje relativno veliki obim prava i socijalnih benefita čija provedba u dobroj mjeri ovisi od ekonomskih mogućnosti lokalnih zajednica. U praksi obim prava ako je riječ o materijalnim ili drugim davanjima je vrlo različita u Federaciji BiH između Kantona kao viših nivoa vlasti a i između općina unutar jednog kantona. Općinsko vijeće Vareš je i u ranijem periodu donošenjem i usvajanjem Odluke o subvencioniranju komunalnih usluga, Odluke o utvrđivanju kriterija i uslova za subvenciju troškova usluga JPU „Dječije obdanište Vareš“ pokazalo senzibilitet prema socijalnoj politici na lokalnom nivou. Općinski načelnik u svom četverogodišnjem programu kao jedan od posebnih ciljeva određuje razvijanje i unapređenje socijalnih pitanja i politike na lokalnom nivou a Program općinskog načelnika kao dokument je dobio punu podršku i OV Vareš.

Strategije razvoja i unapređenja socijalne zaštite općine Vareš za period 2014.-2017. godine sa predviđenim akcionim planom za svaku godinu posebno je dobar osnov i okvir a njenim usvajanjem postaje i obaveza kako ključnih aktera tako i OV Vareš i Općinskog načelnika.

3. Finansijska sredstva

Za realizaciju i rješavanje problema definisanih ovim dokumentom finansijska sredstva će biti predviđena akcionim planom za realizaciju Strategije za svaku kalendarsku godinu.

**PREDLAGAČ:
OPĆINSKI NAČELNIK**

Kovačević Avdija, dipl. pravnik